

ՔԱՅՆ ՄԸ ԱՆԱԿԱՏԻ ՄԷՋ

Posted on November 24, 2018 by Keghart



Category: [Opinions](#)



A voice in the Wilderness

Մեր Պարզեւ Դաւիթեան, Թորոնթօ, 16 Նոյեմբեր 2018

Թորոնթոյի ՀԲԸՄ-ի Ալեք Մանուկեան Կեդրոնը եւ Հայ Կեդրոնը, իրենց տպաւորիչ կառոյցներով, աւելի քան երեք տասնամեակ արժանացած են մեր գաղութը այցելող ամեն այցելու հայու հիացմունքին եւ մեզի տուած են օրինակելի ու յաջող հայկական գաղութ մը ըլլալու նախանձելի երեւոյթը: Տասնամեակներու ընթացքին, սակայն, թորոնթոհայուն արդարամիտ դիտողի աչքերուն մէջ կար կայծ եւ հրճուանք՝ ի տես Հայ Կեդրոնի մէջ ծաւալող հայաշունչ միջավայրին, եւ կար ցաւ ու թախիծ՝ ի տես ՀԲԸՄ-ի կեդրոնին հայութենէ ամայացող միջավայրին: Եւ պատահեցաւ անխուսափելին, երբ յայտարարուեցաւ, թէ ծախու հանուած Է ՀԲԸՄ-ի Ալեք Մանուկեան Կեդրոնը՝ պատրուակով մը, թէ (թարգմանելով անգլերէնով տրուած յայտարարութիւնը) առուծախը կը կատարուի՝ զայն տեղափոխելու համար աւելի կեդրոնական վայր մը (moving chapter operations to a more centralized location), ինչպէս նաեւ նկատի ունենալով Թորոնթոյի հայութեան ներկայ եւ ապագայ կարիքները... (“this is, in fact, beneficial to the greater community because it is a decision focused on meeting the current and future needs of Armenians in Toronto”):



Թէ որքանով կ’օգտուի թորոնթոհայը աւելի կեդրոնական վայր մը տեղափոխելով ՀԲԸՄ-ի կեդրոնը, թող մեզի ներուկի ըսելու, թէ վիճելի հարց Է այդ՝ նկատի ունենալով մարդուժի պակասը, որ տարիներու ընթացքին դուրսէն ուղղուած (remote control) միջոցներով տկարացաւ ու նօսրացաւ եւ որուն պատճառաւ ներկայ կեդրոնը ծախու հանուեցաւ...:

A voice in the Wilderness

Մեր Պարզեւ Դաւիթեան, Թորոնթօ, 16 Նոյեմբեր 2018

Թորոնթոյի ՀԲԸՄ-ի Ալեք Մանուկեան Կեդրոնը եւ Հայ Կեդրոնը, իրենց տպաւորիչ կառոյցներով, աւելի քան երեք տասնամեակ արժանացած են մեր գաղութը այցելող ամեն այցելու հայու հիացմունքին եւ մեզի տուած են օրինակելի ու յաջող հայկական գաղութ մը ըլլալու նախանձելի երեւոյթը: Տասնամեակներու ընթացքին, սակայն, թորոնթոհայուն արդարամիտ դիտողի աչքերուն մէջ կար կայծ եւ հրճուանք՝ ի տես Հայ Կեդրոնի մէջ ծաւալող հայաշունչ միջավայրին, եւ կար ցաւ ու թախիծ՝ ի տես ՀԲԸՄ-ի կեդրոնին հայութենէ ամայացող միջավայրին: Եւ պատահեցաւ անխուսափելին, երբ յայտարարուեցաւ, թէ ծախու հանուած Է ՀԲԸՄ-ի Ալեք Մանուկեան Կեդրոնը՝

պատրուակով մը, թէ (թարգմանելով անգլերէնով տրուած յայտարարութիւնը) առուծախը կը կատարուի՝ զայն տեղափոխելու համար ավելի կեդրոնական վայր մը (moving chapter operations to a more centralized location), ինչպէս նաեւ նկատի ունենալով Թորոնթոյի հայութեան ներկայ եւ ապագայ կարիքները... (“this is, in fact, beneficial to the greater community because it is a decision focused on meeting the current and future needs of Armenians in Toronto”):



Թէ որքանո՞վ կ’օգտուի թորոնթոհայը ավելի կեդրոնական վայր մը տեղափոխելով ՀԲԸՄ-ի կեդրոնը, թող մեզի ներուրի ըսելու, թէ վիճելի հարց է այդ՝ նկատի ունենալով մարդուժի պակասը, որ տարիներու ընթացքին դուրսէն ուղղուած (remote control) միջոցներով տկարացաւ ու նօսրացաւ եւ որուն պատճառաւ ներկայ կեդրոնը ծախու հանուեցաւ...:

Իսկ եթէ ԻՍԿԱՊԵՍ նպատակը Թորոնթոյի հայութեան ներկայ եւ ապագայ կարիքները նկատի առնելով եղած է, ապա ողջո՞յն եւ հազա՞ր ողջոյն ՀԲԸՄ-ին, որուն սիւթական կարելիութեան եւ բարոյական ու պատմական առաքելութիւններու սահմաններուն մէջ կ’իյնայ ՆՈՒԻՐԵԼ այդ կալուածը Ս. Երրորդութիւն եկեղեցիին, որպէսզի համագաղութային թափով, ճիգով ու նուիրուածութեամբ թորոնթոհայը ունենայ իր ՀԱՅԿԱԿԱՆ ԾԵՐԱՆՈՅԸ:

Հիմա որ կ’ապրինք ներկայ մը, որ թաղած է իրարու դէմ պայքարելու կամ չափուելու անցեալը, կրնանք անվարան ըսել, թէ համագաղութային իմաստով ունինք աշխոյժ գաղութ մը իր եկեղեցիներով, միութիւններով, Հայաստան Հիմնադրամի օգտաշատ մասնաճիւղով, ամսաթերթերով եւ ունինք Սփիւռքի տարածքին գործող լաւագոյն ամէնօրեայ դպրոցներէն մէկը: Եթէ հարց տրուի ո՞նէ թորոնթոբնակ հայու, թէ ի՞նչ է իր ներկայ եւ ապագայ պետքն ու կարիքը, անկասկած ան պիտի ըսէ, թէ ԾԵՐԱՆՈՅ մը ունենալու կարիքը եղած է իր երկար տարիներու պահանջքը: Հայ Կեդրոնի շրջանակը իր սրտին վրայ նստած մօտակայ պանդոկը, ըստ եղած շշուկներու, ուզած է գնել տարիներէ ի վեր՝ զայն ծերանոցի վերածելու մտադրութեամբ, սակայն մեծագումար վճարում մը ընելու անկարելիութեան առջեւ գտնուելով՝ չէ կրցած իրականացնել այդ փափաքը: Հիմա որ Հայ Կեդրոնի պատասխանատուներէն ոմանք գնահատելի ժեստով ներկայ եղած են Ս. Երրորդութիւն եկեղեցւոյ ներքնասրահին մէջ գումարուած այդ եկեղեցւոյ անդամական ժողովին քաջալերելու համար եկեղեցին, որ սիւթական դժուարութիւններու առջեւ չընկրկի սեփականացնելու համար եկեղեցւոյ կից ՀԲԸՄ-ի Ալեք Մանուկեան Կեդրոնը, լաւ կ’ըլլայ, որ անոնք ալ իրենց սիւթական ու բարոյական մասնակցութիւնը բերեն կալուածի ձեռքբերումը յաջողցնելու գործին մէջ՝ զօրաշարժի ենթարկելով իրենց շրջանակի գանազան կարելիութիւններն ու միջոցները:

Թորոնթոյի ՀԲԸՄ-ի Ալեք Մանուկեան Կեդրոնը թորոնթոհայութեան կը պատկանի, որուն

Նուիրատուութեամբ գոյացաւ առիժի գումարը, երբ ան 1981-ին կառուցուեցաւ: Ծախու գումարը պետք է լրիւ եւ ամբողջովին յատկացուի մեր գաղութի պետքերուն, որոնց առաջին շարքին վրայ կը կանգնի ծերանոց մը ունենալու անհրաժեշտութիւնը: Remote control-ով պետք չէ ուղղուին եւ շարժին տեղացի պատասխանատուները, որոնց հաւատարմութիւնը (loyalty) պետք է ըլլայ ի շահ մեր գաղութի պետքերուն:

Կալուածը նուիրելու պարագային, ծերանոցը արդարօրէն կարելի է կոչել ՀԲԸՄ-ի Ալեք Մանուկեան Ծերանոց՝ Ս. Երրորդութիւն եկեղեցոյ տնօրինութեամբը եւ գործակցութեամբը Թորոնթոյի բոլոր միութիւններուն ու կազմակերպութիւններուն: Կտակներով գոյացած նուիրատուութիւններով եւ թոշակաւորներու տրուած պետական հասոյթներով կարելի կը դառնայ հոգալ ծերանոցի ծախսերը: Առաւել, Էջմիածնի եւ ՀԲԸՄ-ի տասնամեակներու սրտակցութիւնը եւ անոնց միջեւ որեւէ ժամանակէ աւելի գոյութիւն ունեցող ներկայ ջերմ գործակցութիւնը պետք է կարելի դարձնեն Թորոնթոյի ՀԲԸՄ-ի Ալեք Մանուկեան Կեդրոնի կալուածին նուիրատուութիւնը Ս. Երրորդութիւն եկեղեցոյ՝ զայն ծերանոց մը դարձնելու պայմանով:

Թորոնթոյի հայութեան շահը նկատող այս յօդուածով ձայն մըն է որ կը բարձրացուի՝ ուղղուած այս հարցը տնօրինելու կոչուած մարմիններուն ու անձերուն, որ դժբախտաբար յուսադրիչ ըլլալէ աւելի՝ պիտի դառնայ ձայն մը բարձրացած ամայութեան կամ անապատի մէջ (a voice in the wilderness):

